

傳真社揭「龍門」八大混賬

賣抗疫品話勁蝕「報細數」 籌款疑遭挪用



「黃色經濟圈」時不時就被踢爆根本係呢「黃絲」嘅大騙局，好似龍門冰室咁，一直以嚟都被人質疑佢賬目不清、食「人血饅頭」，等等，但一眾「黃絲」就扮睇唔到，選擇繼續盲撐。近日，網媒「傳真社」就調查「龍門」嘅賬目開支，仲列出一共8項投訴指證龍門賬目混亂，包括自稱賣抗疫用品大額虧損但係有人「報細數」；有偽「手足」所籌嘅款項懷疑俾人挪用；賬目混亂……等等。唔知一班「黃絲」今次肯認清事實嘅真相未呢？

● 香港文匯報記者 倪思言

據「傳真社」嘅報道，「龍門」老闆張俊傑喺2019年底成立所謂「香港人嘅冰室資源分享中心」，話通過籌款同售賣抗疫用品及提供服務，去「支援年輕人」，該中心的運作一直備受批評，所以「傳真社」就整理咗有關嘅八項投訴，仲逐樣踢爆其中的可疑之處：

- 一、聲稱賣抗疫用品大額虧損：
- 據龍門嘅財務報表顯示，抗疫用品嘅入賬收入只得3.3萬元，但「傳真社」嘗試拆開賬目同活動資料去計，發現龍門當時靠賣口罩同酒精搓手液，收入至少有114萬元，遠遠超出咗報表嘅數目。
- 二、抗疫用品500萬投資去向：
- 「傳真社」指「龍門」老闆張俊傑同「良心供應商」合共投資咗500萬元去抗疫用品，但從來無向外交代兩者嘅股權關係同賺乜幾多利潤，亦無講過項目虧損會否共同分擔。
- 三、有近460萬「盈利」被擅自挪用：
- 龍門過去展開超過20個項目去籌款，計劃成立基金「援助年輕人」，一開始希望籌集500萬元，目標係超越「星火同盟」及「612人道支援基金」。有項目負責人就講過，最後加加埋埋一共賺咗458萬元，但呢筆錢最後無用落「手足」身上，反而俾張俊傑擅自拎去填補抗疫用品嘅虧損。
- 四、美甲項目賬目不符賬簿記錄：
- 「傳真社」發現財務報表上一個提供美甲項目嘅賬目同賬簿不對應，例如賬簿上顯示薪金記錄分別為11,034.9元同16,094元，但財務報表就空白咗。
- 五、財務報表不合會計常規：
- 「傳真社」喺財務報表中發現有項目「Direct cost（直接成本）」為負數，出現咗奇怪嘅「負成本」。有會計師就話咁基本都出錯，報表缺乏公信力。
- 六、以中心捐款開私人公司：
- 「傳真社」發現財務報表中有項目實為張俊傑私人擁有嘅公司去營運，好似龍門美容有限公司同C-Bro（手辦模型擺設）等。

- 七、財務報表無列出所有項目：
- 據「傳真社」調查，張俊傑舊年至少開展超過20個項目，但公開嘅只得16個。由於賬目無公開，所以根本唔知道相關項目賺或蝕、涉及幾多款項，同埋點樣入賬。甚至有人質疑張俊傑只係公開虧損嘅項目同賬目。
- 八、中心賬目混亂：
- 有中心前職員話，捐款箱每次只限4人點數，包括張俊傑、中心前董事葉菁婷（上月5日辭任）、張俊傑一名女性朋友和葉菁婷丈夫周振雄一名下屬。而張俊傑亦無以獨立戶口處理中心不同業務的款項，反而由數個銀行戶口收賬及支賬，被質疑賬目混亂。

「手足」：老闆私下無慰問佢哋

其實，「龍門」嘅醜聞又點止佢哋嗰盤七國咁亂嘅賬目㗎，作為一間餐廳，但經常被人批評出產劣質食品，打住「黃店」嘅旗號呢一班「黃絲」支持，實際上就利用一個又一個「手足」同導師幫佢賺錢，食「人血饅頭」不特止，仲要用完即棄。做人做到咁表裏不一，真係唔怪得知，隔一排就會有人踢爆佢「偽善」嘅一面。

就好像曾經有「手足」踢爆龍門美容院壓榨員工，當時老闆開口聲聲話提供場地俾人自負盈虧經營，但實際就抽取美甲師半數以上嘅佣金，仲要食埋人哋嘅貼士，仲有只要維唔到皮就即炒「手足」魷魚。一向對外宣稱支持黑暴嘅老闆，又竟然會要求「手足」遊行完要準時返工，而且有「手足」仲爆料話，無論發生咩事，原來老闆私底下都會慰問一下佢哋。

對「傳真社」嘅指控，香港文匯報尋日就透過fb查問回應，結果「龍門」代表就話，喺舊年6月已經向《立場新聞》回應過，無再覆記者有無補充。之但係，佢哋回應咗咁多次依然都係講唔清賬目混亂嘅問題，就知道盤數根本過唔到骨啦！雖則龍門盤數花到七彩，但有部分「黃絲」依然不顧面對真相，選擇繼續支持龍門壓榨「手足」、食「人血饅頭」，果然「人一黃、腦使殘」。



● 網媒「傳真社」早前調查「龍門」嘅賬目開支，列出合共8項投訴指證「龍門」賬目混亂。圖為龍門冰室。

資料圖片



▲ 據「傳真社」調查，張俊傑只公開部分開展的項目，被人質疑他只公開虧損項目。

資料圖片

►「黃絲」不時於網上大鬧「龍門冰室」食物水準無進步，甚至有網民曾呻該店的沙律(右圖)難食如「廚餘」。

資料圖片



網民譏「龍門」無良偽善



唔少網民大讚「傳真社」今次踢爆「龍門」賬目混亂。「Janet Kwok」話：「多謝你們查出來，原先以為有一個難得有良知商人，十分欣賞，但昨日得知是

無恥商人，今日更肯定了是一個無良的偽善者！」「Chai Chi」激動咁鬧：「事實證明一切，×老千幾時坐監！『手足』不是（時）被（俾）你利用，呢

亂屈銀行取消戶口 網民批梁芷珊無品



同「龍門」有生意來往，俾攞炒派中人「封」為「才女」嘅梁芷珊，日前喺facebook發帖自爆，恒生銀行send咗封信俾佢，話要取消佢兩間公司嘅商業戶口。一個月通知，停止運作，仲講到件事係「政治打壓」咁。有網民話取消戶口呢樣嘢並不罕見，佢仲要同網民鬥嘴，其間更連基本嘅事實交代都自打嘴巴，唔怪得嗰啲網民質疑佢發呢帖文嘅居心囉。

梁芷珊聲稱唔會問銀行佢停戶口嘅原因，但就係咁開始「造勢」，話佢銀行取消佢戶口「無向我哋索取資料及文件」「口頭回覆指乃內部審查」，話為咗「對抗打壓」唔會問「官方回應」，擺明要等人以為佢遭到「政治打壓」。佢仲要煽情咁話：「原本係香港人嘅銀行，唔服務香港

企業。而（嘅）家銀行唔係銀行，家不是家。香港仲做咩國際商業城市？」真係屈得就屈。

網民質疑梁有問題

佢唯咗好多心機營造「被迫害」形象，但仍有唔少頭腦清醒嘅網民表示唔buy呢種講法，好多人就話唔係銀行正常做法。梁芷珊嘅「頭號粉絲」Riley Walker就話：「中小企成日都遇（到）呢啲情況……AUM唔夠大，又多細額cash出入，『大』銀行角度：賺埋都cover唔到做due diligence嘅cost，送客好過。」「Choi TL」亦話：「一向銀行都好鍾意向公司戶口開刀，一來冇錢賺，二來太多AML野（嘢）跟，有殺錯冇放過。」

有網民就認為，根本係梁芷珊或者佢負責戶口嘅職員有問題。「Angie Ma」話：「恒生（銀行）都有send信比（畀）我review個人戶口之工作及

地址，附屬卡成員嘅個人資料也要update，佢之前有冇send信問你先？」「Peter Chan」就質疑：「銀行一直都會再問公司戶口擁有人的資料，只係你既（嘅）職員無係（嘅）限期前回覆銀行要求。問下（吓）你既（嘅）員工先啦，係咪睇完無左（咗）件事呀？」

「Kenji Furuhashi」更質疑梁芷珊「煲」呢件事嘅用心，問佢點解唔問官方回覆，而係公開講件事，「It's the customer relationship and business issue.（這是個客戶關係同業務問題）」

梁芷珊就好緊張咁反咬對方關注佢個帖文嘅居心，不過就唔小心反咗口話：「How do u know i did not ask an official answer?（你點知我有問官方回應？）」咦？明明嗰啲佢話自己好似「對抗打壓」唔會問呢？睇到呢度，個帖文係乜居心大家心照囉。


● 香港文匯報記者 黃書蘭



● 梁芷珊發帖批評恒生銀行取消佢兩間公司嘅商業戶口。

梁芷珊fb截圖

「光時」乾塘圖籌課金 網民：執咗佢算啦



●「光時」發聲明話，佢哋哋家只係係返約80萬元現金，最多只可支持到幾個月咁話。fb截圖



自稱「良心」網購平台嘅「光時」自從被踢爆管理層肥上瘦下後，負責人發表過好幾次聲明，但一眾「黃絲」都唔多受落。日前，「光時」就發聲明話佢哋哋家只係係返大約80萬元現金，最多只能支持幾個月咁話。一般而言告急都應該有啲用，但班「黃絲」見「光時」之前出9萬蚊月薪畀高層後，唔少人都留言話：「執咗佢算啦。」

「光時」嘅聲明由所謂「新管理團隊」發出，話想同大家交代下「光時」嘅現況。除咗講到口臭嘅「回歸初心」同好籠統嘅未來方向之外，最值得大家關注嘅係佢哋嘅財務狀況喇：據佢哋所

講，「光時」哋家現金結餘只剩返大約80萬元，佢哋就聲稱扣減日常營運開支後，「光時」只能繼續維持幾個月。

譏高層月入10萬「食水深」

不過，佢哋同時提到由舊年7月至12月，兩名前管理層分別出咗約54萬元同19萬元糧，有網民就立即計出，即係一個月薪9萬蚊，另一個就3萬幾蚊啦。「Freesten H. Joytion」就話：「我覺得係有料搞得間公司好嘅話係抵俾（畀），始終有才能嘅精英係貴嘅……但實際情況係點，相信大家都有目共睹。」

大部分網民聽到呢個數字後都十分不滿，「Literally Wong」就話：「10萬蚊一個月嘅高層，食水好深。」「Der

HL」亦指：「出到咁既（嘅）人工都仲話虧（蝕）緊錢。」「Briggf Briggf」更道：「9皮（9萬蚊）真係好過去搶。」

雖然都有「黃絲」繼續盲撐「光時」東山再起，但大部分人都支持佢快啲摺埋。「Fung Wai Yin」話：「執咗佢算啦，『光時』玩爛咗嫁（㗎）喇。」「Victor Leung」亦附和：「執左（咗）佢喇，咁樣營運係冇得救嘅。」「Man Chu」就話：「我由『光時』一開一直支持，到出事後，我曾經說服自己話繼續幫襯，但啗（諗）住『光時』營運未上軌道都出9萬（蚊）比（畀）自己，真係幫唔落。」

「光時」嘅貼文最後仲post咗張寫上「呢次係最後機會，我哋會搏盡老命，撐到最後一刻」嘅圖，聰明嘅「Lee Ming Wai」就一語道破真相：「即係又要謀金？講真，幫襯（襯）其他小黃店好過。」 ● 香港文匯報記者 倪思言

「光榮」食品水準差「手足」：卡位有尿味



唔少「黃店」出名難食。好似「黃店」「光榮冰室」日前喺facebook發帖，上載咗張到其他「黃店」試食嘅相，稱要「刺（刺）探軍情」。點知班「手足」一見到，就紛紛留言大呻光榮多間分店食物水準差，有網民仲話：「差咗之餘青山道店入邊卡位有尿味！」

「光榮冰室」日前發帖話要「刺（刺）探軍情」，搞到班「手足」以為佢哋想檢討食品質素，引嚟唔少中過伏嘅「手足」大吐苦水。

叉燒「餛飩」哋 沙爹牛食到嚙根

「Raymond Sen」咁話：「呢排荃灣同尖沙咀既（嘅）食物水準差左（咗）。D（啲）蛋已唔滑啦。請留意下（吓）！」「Kirsty Wong」就話：「有人講開我都想講，尖沙咀店個個星期都去食，但（上月）29號果（嚟）日朋友食叉燒煎蛋飯，啲叉燒叔叔（餛飩）哋。」

唔少「手足」都話光榮出品每況愈下。「龍馬」話：「九龍灣開光榮茶記係咪真係你哋，食過5次、一次比一次難食，定我去錯咗唔係你哋分店？」「Michael Wong」就話：「沙爹牛越泥（嚟）越差，經常食到一舊（嚙）根，完全咬唔到，又有乜沙爹味。」

有「手足」就話連服務、衛生都出事。「CC Cly」話：「唔知你個男同事點落單，叉燒一丁變意粉、熱奶茶變凍奶茶，叫唔要碗滾水又照比（畀），倒到成個袋都係。」「Mak Mak」亦呻：「（上月）25號喺九龍灣訂咗個聖誕派對套餐真係有少少甩碌（轆）。」「Man Ho」更話：「差咗之餘，青山道店入邊卡位有尿味！」其實咁難食，咪唔好幫襯囉。

● 香港文匯報記者 黃書蘭



●「光榮冰室」日前發帖話要「刺探軍情」，結果引來唔少中過伏嘅「手足」吐苦水。fb截圖